



SANCTUS Kilianus doctissimus Christi præco ex Scotia sese in Galliam contulit, atque sub rege Fræcorum Pipino plurimos homines in uera Christi doctrina instituit. Cum autē Rheni accolæ iam antea in religione essent instructi, statuit Kilianus ad interiora Germaniæ loca penetrare, atq; ibidem quoq; Euangelium de peccatorum remissione annuntiare. Id autem ut faceret Benedictus 2. & Conō Romanæ ecclesiæ præsules sedulò adhortabantur. Itaq; magno zelo Rhenum transgressus, anno sexcētesimo octuagesimo sexto, duobus socijs Colomanno & Diethmanno comitatus in Franconiā Herbipolis peruenit, & idolorum cultoribus Christum prædicare cœpit. Erant quidem & alij Ecclesiarum ministri in quibusdā Franconiæ locis, qui & ipsi ueram rationem salutis proponebant. Verùm Kilianus in aliquibus ab ijs dissensit, atque pleraque ad Romani pontificis autoritatē referre cœpit. Vnde magnam sibi inuidiam confluxit. Erat autem eius